

[www.BibleForChildren.org](http://www.BibleForChildren.org)



JUAN 14



“Cone'da'daane eichäcä adheewanööcomo jäcä.  
Wanaadi ecaanö'täcä, öwö mmaja cäcaanö'täcäade.  
Jaaja mmai chaca jooje weichojo na. Yääje'da ei'jo  
mmaane wecammadö äwwäiñe. Öwö wöta  
aweicho'como chooneca.”



“Aweicho’como choonecaadö wä’ca’jäcä we’a’dede;  
yaawä manaadäaato’de, öwö weichojo dö’tä mmaja  
meichäiye.”



Öwö Juan, ajimmotoncomo dea, Jesuuquidiito  
jäcäinchädä yeetunu eneenei mmaja, Wanaadi  
sotoi mmaja, äshinchädööcomo nöngö


aashicha shinchänei mmaja.



Öwö wä'jaaquene Paatamo antadö de'wä,  
Wanaadi a'deddu jo'tädööje yenno'jaajä,  
Jesuuquidiito jäcä ecammajäätödö e'nei.



Yaawä dea caju ña wataadojoone, Epíiditu Santo  
woije. Iña weneeaqueene Cajiichaana mudei; yää  
mude de'wä cönä'jaacä soto wataajimaajä.




Yääje mma yaawä tamedä Wanaadi namoode'nädö  
wa'deuwödööcomo wetaaquennea, caju ñancomo  
mmaja, nono de'woncomo mmaja,  
co'dhejeiñancomo mmaja, dama  
'cwaca naatodö mmaja, tamedä.



Tönwanno cönä'döa'to: Mä'dä mude de'wä shuucu  
naadö, mä'dä Oweeja nnedö'cä mmaja, aashicha  
wa'deutojooje naato, aashicha  
tödöoto'me mmaja, o'jodhaatoje  
tä'täämöje mmaja, jäduujatooje  
täcammaamöje mmaja,  
yeichöödäje; quee  
cönä'döa'to.




Öwö, Juan, weneeaqueene yää jata aashichaato  
wä'tädö caju ñanno, Wanaadi döiñanno, yää  
Jeduusadén ñano eduuwaato. Töweesomaajä'e  
cönä'jaacä, töiño eneeje wodi töwäättöiñoonomö  
töweesoma töweiye naichöje.



Caju ña a'deu wetaaquene yaawä. Jooje cönäätaacä;  
cönä'döaacä: —Eneecä'ma, soto jadäiñe Wanaadi  
weichojo na eduuwa. Töwö nejaata'ta'de chääjadäiñe;  
tönwanno naato'de shootoije. Töwö dea na'de  
chääjadäiñe, Yaanadiiyöcoomoje.



Yaawä ñäädä amoode öwwä cöneenejoi weichojo  
tunai'chädö, Wanaadi mudei dö'tonnoto weja'cadö,  
Oweeja nnedö'cä mudei dö'tonnoto mmaja. Yää  
tuna cönä'jaacä acuuwena; ta'dawaane  
cönääneaacä, widiiqui töweiye naichö wa'cä.



Yää jataawä shii niyeijodö tujunne'da na'de, nuunä niyeijodö tujunne'da mmaja, Wanaadi nnataadö yeijoneije yeijäcä. Oweeja nnedö'cä dhawaadöje na'de.




Conemjönö ataamonno'jo'da na'de yää jataaca  
yeichöje. Omoomö'da naato'de nossaja'como  
tö'tajääätödö, äncu'tännamo  
mmaja. Ñanno mmaane  
nomongaato'de,  
chäättöcomo  
töweiya'como Oweeja  
nnedö'cä jajeedai jäcä,  
yää weichojo  
jajeedai'chädö jäcä.




Töwö Wanaadi nichocca'de  
tameedä chäänacuuducoomo.  
Wäämanä 'je'da na'de yaawä,  
wentumje weiñä 'je'da mmaja;  
waamonä 'je'da na'dede,  
se'neiñe weiñä 'je'da mmaja,  
awa'deenato weiñä  
wataame'jödö weijäcä; quee  
cönäätaacä a'deu.




A'que na'de cone'da täcammaamö. Yäätä na'de  
Wanaadi mudei, Oweeja nnedö'cä mudei mmaja;  
shootoi niya'deme'caato'de. Tönwanno Wanaadi jedö  
neneeaato'de. Chäätö imennaajä na'de ijaawäiñe.



Weneeaquento yaawä tameedä yä'ja'a'como, ñanno  
täneejuca'como'jödö, soto mmädä mmaja; jiidi  
cönä'ja'to Wanaadi mudei je'taca. Jajeeda  
cönaata'ducaajätöi yaawä. Anejja jajeeda mmaja  
cönaata'ducaai chea, yää weichojo  
jajeedai'chädö. Yä'ja'a'como  
cönä'mencajoicho yaawä, jajeedä  
jäcä iñö'jocoomo imennaajä  
woije. Tameedä  
ñanno weichojo  
jajeedai'chädö jäcä  
chäätö imennaajä  
'jemjöncomo  
cönäätämaajoicho jiyooto  
comootödö ña.



Epíiditu Santo mmaja, Oweeja nnedö'ca jiñamo mmaja  
edääje nä'döaato: —Ä'cäde; quee. Ñäädä etaanei  
mmaja mädääje ä'döjai ña dea: —Ä'cäde; quee. Ñäädä  
emjätö'sato neejö'ñojo; ñäädä enö'sato weichojo  
tunai'chädö nenö'ñojo, täje'da.



Wanaadi tamedä soto cumjuma'to  
jooje, chääjäcäinchädäiñe Tönnedö  
yäätonno 'jemjönö tu'ene'jödödä.  
liñedö ecaanö'nei ännamjö'da  
na'de, yeichö töwaatamemjönö  
töweiye na.



DOMAANO 3:23 Tameedä soto conemjönö cönnöicho;  
aashicha Wanaadi weichö nöngö töweicho'como  
ejoodöjai'cha naato.

DOMAANO 6:23 Conemjönö tödöödö nääjema wäämanä  
que. Wanaadi nutuudu aashichaato mmaane yää, weiñä  
yeichöödoto, Cädhaajotoncomo Jesuuquidiito jäcäinchädä.

EEWEDEO 9:27 Soto wäämatoojo ecammaajä na tooniye  
mma, yää 'jeje yäätämmencajootojo.

EUJESIYO 2:8,9 Aashicha Wanaadi weichö woijeene  
töwääwanaaca maato, ecamjödö que, änwanno aashicha  
aweichöcoomo jäcäinchädä'da, Wanaadi nutuudu  
woijeene. Tödöödö jäcäinchädä'da wääwanaacanä  
töweiye nai; yääje yeijäcä anejja o'jodhe  
chö'tajä'jai'cha na mädä jäcä.



DOMAANO 10:9,10 Äntadö que äwwä ecammajä'a'jäcä Jesuuquidiito Cajiichaanaje yeichö, ätö'tajäätödö que ecaanö'a'jäcä mmaja Wanaadi wwä yäämaajo jonno adonca'jödö, yaawä töwääwanaaca ma'de.

Tötö'tajäätödö que ecamjödö töweiye nai, Wanaadi jadoonoje töwä'döjoodö wetä, töntadö que 'quene töneecanö'e töweichö wääcammanä nai, töwääwanaacadö wetä.

JUAN 3:16,17 "Wanaadi tameedä soto cumjuma'to jooje, chääjäcäinchädäiñe Tönnedö yäatonno 'jemjönö tu'ene'jödöödä. liñedö ecaanö'nei ännamjö'da na'de, yeichö töwaatamemjönö töweiye na.

Wanaadi Tönnedö cönaanontäi edä nono de'cäi tameedä soto ennanö'caiñe'da, ewaanacaiñeene.



1 JUAN 5:11-13 Edä yää cöwwäiñe Wanaadi  
necamma'jödö: Töwö liñedö ecamjödö jäcäinchädä  
cöweichöcoomo töwaatamemjönö cönä'tui cöwwäiñe,  
Wanaadi nutuudu.

Ñäädä Wanaadi nnedö 'jano töweichö nenenea'de. Ñäädä  
Wanaadi nnedö 'jemjönö mmaane töweichö aneene'da  
na'de.

Edä wimennäi äwwadäädäiñe änwanno Wanaadi nnedö  
ecaanö'nnamo, odhoowanääcäiñe yeichö wetä  
töwaatamemjönö weiñä 'je aweichöcoomo.



JUAN 14; 2 CODINTIYO 5;  
APOOCADIISI 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Maquiritari (mch) © 2014 Reservados todos los derechos

<https://www.bible.com/en-GB/bible/2981/MAT.1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

